

Ich gebe im folgenden den Wortlaut des Schreibens nach den beiden Danziger Hss.: 1 = Ms. Mar. F. 266; 2 = Ms. Mar. F. 244.

Scriptum^a per cardinales ordinis dominorum Theutunicorum magistro generali territorii^b Prusie.

Magnifice ac potens domine, amice et frater noster carissime post salutem. Quamvis exacte collegium reverendissimorum dominorum sancte Romane ecclesie cardinalium super facto unionis et teterrimi scismatis extirpacione scripserit caritati vestre, nichilominus tamen singulari ducente ordinis vestri^c) affectione, quam causant ea, que fama late predicat, vestra videlicet in variis agendis providencia, fidei nomine pro Christi propugnacio et tam pacis quam belli magnitudo glorie, cogimur ut dileccionem vestram licet nobis ignotam specialiter in re tamen communi omnibus alloquamur. Ad hoc eciam faciendum nos inducunt domini procuratoris vestri merita et, qui ante oculos nostros versantur continue, certi subditi vestri nobis multiplici familiaritate obsequiosi. Cum igitur vobis ut arbitramur plenarie informato de circumstanciis et agitatibus hinc inde circa sancte unionis tractatum aliqua per nos notificare non sit necesse, solum pronunc caritatem vestram affectuose hortamur et precamur, ut pro eiusdem unionis causa per nos sumpta facto et opere placeat cooperari. Nam enim terminus tranquillitatis de proximo appropinquat, ubi et nova hominum prosperitas felicitasque nova ecclesie, que duo bona nostros flebiles dies quasi modernorum hominum convictu dedignata tam longa annorum per spacia deseruerunt^d, adventare illo cum termino conspiciuntur. Cum quo eciam aderunt pax populorum et unio in domo domini, per quam reges regnabunt, leges reformabuntur in melius et plebs cuncta christicola a summo usque ad minimum moribus et institutis compositis iusto unius pastoris sub regimine letabitur tam corporum quam animarum cum salute. Ad hunc igitur terminum vos, ut diximus, hortamur et invitamus, ut qui magnas expeditiones, ut audivimus, pro cruce Christi frequentatis reiterationibus pie suscipitis quique mortifera bella cottidie geritis pro vita alia et ex vestre professionis debito^e pugnas initis pro populo Christiano, cui populo^f eciam vestris laboribus

a) Scriptum . . . Prusie om. 2. b) territorie 1. c) vestre 1.
d) desereraverunt 1. e) vestro professionis debite 2. f) populi 1.